



HAcho ille magna corporis & animi fortitudi-
 ne fuit præditus. Itaque cum Carolo magno in
 Italia existens, res multas præclare gessit, atque suæ
 uirtutis plurima indicia omnibus exhibuit. Hunc
 Carolus Imperator factus, anno 802. secum in Ger-
 maniam perduxit, atque portionem terræ in Bris-
 gaudia tribuens, eum comitem constituit. In eo lo-
 co Hacho arcem condidit, atque à suo nomine Hach-
 bergam uocauit. Ibi Hacho sedem suam constitu-
 ens, uxorem duxit, atque Hachburgenses comites
 progeniuit. qui tandem tempore Friderici Barba-
 rossæ post trecetos & quinquaginta annos in Her-
 manni Veronensis primi Marchionis Badensis fa-

miliam, per unicam filiam Iuditham derelictam, inserti fuerunt. Ab eo Hacho
 omnes illi, qui fortitudine & magnanimitate alios superare uidentur, apud
 Germanos egregij Hachi dicuntur. Floruit is cum Carolo magno, post
 Christum circiter annum octingentesimum quintum.